

法海經
海八德經
四十二章經

二百十六
辭七

4964



佛
山
法
師
安
寺
法
金
剛
院
置
佛
懺
輪
常
轉
京
晉
銀
昌

藏書

4964

三經同卷 七

法海經

海八德經

四十二章經

法海經

西晉沙門釋法炬譯

聞如是一時佛遊瞻波國漢呿利池
比丘眾俱月十五日時應說戒佛坐
而如來默然不說戒侍者阿難更整衣服跪
而白佛初夜向竟中夜將至大眾集久出尊
將無疲倦願以時說戒佛猶默然眾坐既久
時有比丘名曰阿若都盧更整衣服長跪白



佛初夜中夜已過雞將向鳴世尊得無疲倦
衆僧集久願佛說戒世尊復默然又復白言
明星已出時將過矣佛言比丘且聽衆僧之
中有不淨者故吾不得說戒耳賢者大目捷
連心念吾當定意觀之誰不淨者目連白佛
我欲定意觀誰不淨者不淨者命令出衆世
尊告曰卿欲定意觀不淨者令其出衆此言
大善便可觀之目連即定意觀之見其弟子
犯于重戒目連從定意起至犯戒比丘前而
數之曰汝爲沙門奉戒爲本戒猶人之頭首
沙門戒行宜令清白如冰如玉此如來之座
賢聖之會度世者之聚清淨道德者之所集

處此座猶如栴檀之林。卿以伊蘭臭穢亂于真正目連。手自引其弟子出。卿是棄捐之人。不得豫如來大衆之清淨集也。無以穢濁。厠豫大僧。大集大海不受穢。屍卿自思之。無穢賢衆。穢人既出。目連白曰。穢濁之人。即以棄遠衆。已清淨。惟願世尊以時說戒。世尊猶復默然。目連怪之。四向觀察。見座上向比丘已復在座。目連重勅之曰。卿爲棄人。何爲不自引罪穢。重坐此座。爲目連重遣之。乃出座去。目連復白世尊。穢人已出。大衆已淨。無復穢惡。惟願世尊以時說戒。令衆僧得修淨業。佛告目連。吾自今後不復說戒。汝等可自共

說戒若我說戒人於衆中犯戒默然不自引
罪而豫如來座者此爲默然妄語默然妄語
頭破七分如來於大衆說戒甚爲不易自今
以後汝自說戒目連白佛弟子聞道如來先
化之爲非弟子自悟而成道也如來聖德厚
重天地言真而要弟子誦習得成道果如來來
猶天雨百穀草木無不仰榮弟子德淺道小
人不服信世尊哀愍龔俗使一切獲安得信
得正以濟其志目連慇懃苦請至三四五世
尊告目連曰汝爲一切請求如來慇懃乃至
四五吾今當爲汝等說之吾僧法猶如大海
有人德汝等聽之大海之水無滿不滿吾法

如之無滿不滿此第一之德大海潮水尋以
時而來不失常處吾四部衆受吾戒者不犯
禁戒違失常法此第二之德大海之水惟有
一味無若干味無不以鹹為味吾法如是禪
定之味志求寂定致神通故四諦之味志求
四道解結縛故大乘之味志求大願度人民
故此第三之德大海既深而廣無能限者僧
法如是無不深妙八方之大莫大於僧法僧
法最為弘大此第四之德大海之中金銀珠
璃水精珊瑚車磔碼碯摩尼之妙無不備有
吾僧法之中三十七品道寶之妙神足住壽
飛騰十方靡所不適瞬息之間周旋無量佛

界到殊勝之刹能以其道化導群生淨也佛
土此第五之德大海之中神龍所居娑竭龍
王阿耨達難頭和羅摩那私伊羅末如此諸
龍妙德難量能造天宮品物之類無不仰之
吾僧法亦復如是四雙八輩之士十二賢者
菩薩大士教化之功弥茂弥美此第六之德
大海吞受百川万流江恒之水無不受之終
日終夜無有盈溢減盡之名吾僧法之中亦
如是梵釋之種來入僧法四姓族望或釋或
梵王者之種捨世豪尊來入正化或工師小
姓亦入正化種族雖殊至於服習大道同爲
一味無非釋子此第七之德大海清淨不受

死屍無諸穢濁惟海之類而受之耳吾僧法
清淨亦如大海不受穢惡犯戒違禁非清淨
梵行者一不得受棄之遠之猶海不受死屍
此第八之德佛告目連如來大眾惟清淨爲
禁戒業不純非釋種子故吾不說戒耳卿等
善相勅戒無令正法有毀佛說如是諸比丘
歡喜受行

法海經

海八德經

姚秦三藏鳩摩羅什譯



聞如是一時佛遊無勝國時在河邊常以十
五日爲諸沙門說戒經佛坐靜默久而無言
阿難整服長跪白曰沙門坐定樂聞清法世
尊默然阿難三起白夜已半可說戒經世尊
乃曰諸沙門中有穢濁者心邪行違言與法
乖沙門之戒威神致重非彼下賤所能執行
清濁相違故吾不說尊德目連一心入定道
眼淨觀具見彼心有可棄之行矣目連即與
謂之曰起非尔俗人所應坐處也彼不肯起
牽臂使出曰尔無至德心懷六邪何敢以臭
園之體坐天香之座尔是棄人非沙門矣目
連即還就清淨座佛告目連子何一愚好喻

不出牽臂乃去佛告沙門靜聽吾言諸沙門
曰唯然受教觀彼巨海有八美德其廣即汪
洋無崖其深則有不測之底稍入稍深無前
所礙斯一德也海潮不過期先際斯二德也
海含衆寶靡所不苞死屍臭朽海不容焉神
風吹漂上岸之邊斯三德也海懷衆珍黃金
白銀琉璃水精珊瑚龍玃明月神珠千竒万
異無求不得斯四德也普天之下有五大河
流行注海西流者名恒南流者名邪云東流
者兩河一名沙陸一名阿夷越北流名墨五
河流邁俱入于海皆去舊名合爲海斯五德
也五河万流霖雨終時立天地來雨落河注

海水如故益無增減斯六德也海有衆魚巨
軀巍巍第一魚身長四千里第二魚身長八
千里第三魚身長萬二千里第四魚身長萬
六千里第五魚身長二萬里第六魚身長二
萬四千里第七魚身長二萬八千里斯七德
也海水通馘邊中如一斯八德也以斯之故
質亮神龍欣心樂之吾經妙典亦有景德讀
之無盡其義日深梵魔帝釋無能測度猶海
廣遠甚深難測以斯之故諸沙門樂之斯一
德矣吾諸弟子更相檢率誦經坐禪禮儀景
式不失其時也猶海之潮不過期先際斯二
德也吾法清潔志在憺怕衣食供已不畜微

餘若有沙門志趣穢濁以法彈遣不得處廟
猶海泓裕不容臭屍斯三德也吾道衆經其
義備悉沙門潛思練去心垢貪婬恚嫉愚癡
衆穢猶若磨鏡瑩垢盡之又蕩微翳照無不
覩一坐自思存惟往古生死之源得無不知
二惟天地万物若幻夫有合會必當別離二
常慈心愍世愚惑作行顛倒不自知誤四自
精思既知往古又照未然衆生魂神所當趣
向吾向道以心淨爲珍寶沙門去穢得淨行
者其心喜之猶彼質亮樂海衆寶斯四德矣
吾道弘大合衆爲一帝王種梵志種君子種
下賤種來作沙門者皆棄本姓以道相親明

愚相進意如兄弟猶彼衆流合名曰海以斯
之故沙門樂之斯六德矣吾道微妙經典淵
奧上士得之一号溝港二号頻來三号不還
四号應真應真之道其心清淨猶天明珠垢
藏之德分身散體存亡自由任壽無極亦不
老病猶彼巨海有神龍魚以斯之故沙門樂
之吾之經籍義美甘露仙聖所不聞梵釋所
希覩往古來今無物不記邊中皆正猶海通
鹹亦以斯故沙門樂之夫見吾經者意皆趣
無爲矣海有八德吾經亦然阿難又起誓首
白曰東旦欲明願說重戒世尊曰自今之後
吾不復說重戒之經戒之不從恐被神雷威

怒加之也。吾以斯故不說戒經。自今以往更相檢率。以十五日會說戒經。諸比丘起爲佛作禮。

海八德經

四十二章經序

辭

昔漢孝明皇帝夜夢見神人身體有金色項
有日光飛在殿前意中欣然甚悅之明日問
群臣此爲何神也有通人傅毅曰臣聞天竺
有得道者号曰佛輕舉能飛殆將其神也於
是上悟即遣使者張騫羽林中郎將秦景博

士弟子王遵等十二人至太月支國寫取佛
經四十二章在第十四石函中登起立塔寺
於是道法流布處處修立佛寺遠人伏化願
為臣妾者不可稱數國內清寧含識之類蒙
恩受賴于今不絕也

四十二章經

後漢沙門迦葉摩騰共生法蘭譯

佛言辭親出家為道名曰沙門常行二百五
十戒為四真道行進志清淨成阿羅漢者能
飛行變化任壽命動天地次為阿那含阿那
含者壽終魂靈上十九天於彼得阿羅漢次
為斯陀含斯陀含者一上七還即得阿羅漢

汝為須陀洹須陀洹者七死七生便得阿羅漢
漢愛欲斷者譬如四支斷不復用之

佛言除鬚髮為沙門受道法去世資財乞求
取足日中一食樹下一宿慎不再矣使人愚
弊者愛與欲也

佛言衆生以十事為善亦以十事為惡身三
口四意三身三者殺盜婬口四者兩舌惡罵
妄言綺語意三者嫉恚癡不信三尊以邪為
真優婆塞行五事不懈退至十事必得道也
佛言人有衆過而不自悔頓止其心罪來歸
身猶水歸海自成深廣矣有惡知非改過得
善罪日消滅後會得道也

佛言人愚吾以為不善吾以四等慈護濟之
重以惡來者吾重以善往福德之氣常在此
也害氣重殃反在于彼有人聞佛道守大仁
慈以惡來以善往故來罵佛默然不荅愍之
癡冥狂愚使然罵止問曰子以禮從人其人
不納寶禮如之乎曰持歸今子罵我我亦不
納子自持歸禍子身矣猶響應聲影之追形
終無免離慎為惡也

佛言惡人害賢者猶仰天而唾唾不汙天還
汙己身逆風全人塵不汙彼還全于身賢者
不毀禍必滅已也

佛言夫人為道務博愛博哀施德莫大施守

志奉道其福甚大。觀人施道助之歡喜，亦得福報。質曰：彼福不當滅乎？佛言：猶若炬火，數千百人各以炬來，取其火去，熟食除冥。彼火如故，福亦如之。

佛言：飯凡人百，不如飯一善人；飯善人千，不如飯持五戒者一人；飯持五戒者万人，不如飯一須陁洹飯；須陁洹飯，百方不如飯一斯陀含飯；斯陀含飯，千万不如飯一阿那含飯；阿那含一億，不如飯一阿羅漢飯；阿羅漢十億，不如飯辟支佛一人；飯辟支佛百億，不如以三尊之教度其一世二親教親千億，不如飯一佛。學願求佛，欲濟衆生也。飯善人福最深重。

凡人事天地鬼神不如孝其親矣二親最神也
佛言天下有五難貧窮布施難豪貴學道難
利命不死難得覩佛經難生值佛世難有沙
門問佛以何緣得道奈何知宿命佛言道無
形知之無益要當守志行譬如磨鏡垢去明
在即自見形斷欲守空即見道真知宿命矣
佛言何者為善惟行道善何者最大志與道
合大何者多力忍辱最健忍者無惡必為最
尊何者最明心垢除惡行滅內清淨無瑕未
有天地逮于今日十方所有未見之萌得無
不知無不見無不聞得一切智可謂明乎
佛言人懷愛欲不見道譬如濁水以五彩投

其中致力枯之衆人共臨水上無能覩其影
者愛欲交錯心中爲濁故不見道水澄穢除
清淨無垢即自見形猛火著釜下中水涌躍
以布覆上衆生照臨亦無覩其影者心中本
有三毒踊沸在內五蓋覆外終不見道惡心
垢盡乃知魂靈所從來生死所趣向諸佛國
土道德所在耳

佛言夫爲道者譬如持炬火入冥室中其冥
即滅而明猶存學道見諦愚癡都滅得無不見
佛言吾何念念道吾何行行道吾何言言道
吾念諦道不忘須臾也

佛言觀天地念非常觀山川念非常觀方物

形體豐熾念非常執心如此得道疾矣
佛言一日行常念道行道遂得信根其福無量
佛言熟自念身中四大名自有名都為無吾
我者寄生亦不久其事如幻耳

佛言人隨情欲求華名譬如燒香眾人聞其
香然香以熏自燒愚者貪流俗之名譽不守
道真華名危已之禍其悔在後時
佛言財色之於人譬如小兒貪刀刃之蜜甜
不足一食之美然有截舌之患也

佛言人繫於妻子寶宅之患甚於牢獄桎梏
即當牢獄有原赦妻子情欲雖有虎口之禍
已猶甘心投焉其罪無赦

佛言愛欲莫甚於色色之為欲其大無外賴
有一矣假其二普天之民無能為道者
佛言愛欲之於人猶執炬火逆風而行愚者
不釋炬必有燒手之患貪婬恚怒愚癡之毒
處在人身不早以道除斯禍者必有危殃猶
愚貪執炬自燒其手也

天神獻玉女於佛欲以試佛意觀佛道佛言
革囊衆穢余來何為以可斯俗難動六通去
吾不用余天神踰敬佛因問道意佛為解釋
即得須陀洹

佛言夫為道者猶木在水尋流而行不左觸
岸亦不右觸岸不為人所取不為鬼神所遮

不爲迴流所任亦不腐敗吾保其入海矣人
爲道不爲情欲所惑不爲衆邪所誑精進無
疑吾保其得道矣

佛告沙門慎無信汝意意終不可信慎無與
色會與色會即禍生得阿羅漢道乃可信汝
意耳

佛告諸沙門慎無視女人若見無見慎無與
言若與言者勅心正行曰吾爲沙門處于濁
世當如蓮華不爲泥所汙老者以爲母長者
以爲姊少者如妹幼者如女敬之以禮意殊
當諦惟觀自頭至足自視內彼身何有惟盛
惡露諸不淨種以釋其音矣

佛言人爲道去情欲當如草見大火來已却
道人見愛欲必當遠之

佛言人有患姪情不止踞斧刃上以自除其
陰佛謂之曰若斷陰不如斷心心爲功曹若
止功曹從者都息邪心不止斷陰何益斯須
即死佛言世俗倒見如斯癡人有姪童女與

彼男誓至期不來而自悔曰

欲吾知尔本

意以思想生

吾不思想尔

即尔而不生

佛行道間之謂沙門日記之此迦葉佛偈流
在俗間

佛言人從愛欲生憂從憂生畏無愛即無憂

不憂即無畏

佛言人為道譬如一人與萬人戰被鉞操兵出門欲戰意怯瞻弱乃自退走或半道還或格鬪而死或得大勝還國高遷

夫人能牢持其心精銳進行不惑于流俗狂愚之言者欲滅惡盡必得道矣

有沙門夜誦經甚悲意有悔疑欲生思歸佛呼沙門問之汝處于家將何修為對曰恒彈琴佛言絃緩何如曰不鳴矣絃急何如曰聲絕矣急緩得中何如諸音普矣佛告沙門學道猶然執心調適道可得矣

佛言夫人為道猶所鍛鐵漸深棄去垢成器

必好學道以漸深去心垢精進就道暴即
疲身疲即意惱意惱即行退行退即修罪
佛言人爲道亦苦不爲道亦苦惟人自生至
老自老至病自病至死其苦無量心惱積罪
生死不息其苦難說
佛言夫人離三惡道得爲人難既得爲人去

女即男難既得爲男六情完具難六情已具
生中國難既處中國值奉佛道難既奉佛道
值有道之君難生菩薩家難既生菩薩家以
心信三尊值佛世難

佛問諸沙門人命在幾間對曰在數日間佛
言子未能爲道復問一沙門人命在幾間對

曰在飯食間去子未能為道復問一沙門人命在幾間對曰呼吸之間佛言善哉子可謂為道者矣

佛言弟子去離吾數千里意念吾戒必得道在吾左側意在邪終不得道其實在行近而不行何益方分耶

佛言人為道猶若食蜜中邊皆甜吾經亦尔其義皆快行者得道矣

佛言人為道能拔愛欲之根譬如摘懸珠一摘之會有盡時惡盡得道也

佛言諸沙門行道當如牛負行深泥中疲極不敢左右顧趣欲離泥以自蘇息沙門視情

欲甚於彼泥真心念道可免衆苦
 佛言吾視諸侯之位如過客視金玉之寶如
 礫石視蠶素之好如弊帛

四十二章經七

傅毅魚上音賦反 始待音 張騫下去名 空蒲悶反 炬

火巨上音 瑕遐音 樛古上音質下 原赦舍下音 革囊

下能踞音 鈿上音 搯刀上音 怯下音 晤上音 苦劫反

拈陌上音 銳羊歲反 弦上音 緩胡伴反 絃下音 鍛丁亂反 完

作官反 摘二同 礫石上音 執素上音 素正作 豐

法海經

味去音 測上音 豫初使反 預雜反 間咸音 溢夷反

海入德經

圃

胡圃反
正作圃

汪洋

上烏荒反
下音羊

崖

魚佳反
一音宜

玟

音霖
梅音霖

雨

上音
林上

質亮

下力
向反

愴怕

上徒
下音魄

彈

遣

上丹反
徒

瑩

紆定
反

翳

一計
反

淵奧

上烏懸反
下音告

溝

上音
反

港

上音
反

下音

侯

講

入流
也



